



«17» հուլիս 2023թ.

ք. Աբովյան

Որոշում N 1194

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

ՀՀ առողջապահական և աշխատանքի տեսչական մարմնի (այսուհետ՝ Տեսչական մարմին) արևելյան տարածքային կենտրոնի պետի պարտականությունները կատարող Գագիկ Գրիգորյանս, ուսումնասիրելով.

1. 2023 թվականի մարտի 22-ին Տեսչական մարմնում ստացված թիվ Մ-2920-2023 գրությունը,

2. 2023 թվականի մարտի 22-ի վարչական վարույթ հարուցելու և զննում իրականացնելու վերաբերյալ թիվ ՎՎ-0691-Ա հրամանը,

3. 2023 թվականի մարտի 22-ի վարչական վարույթ հարուցելու և զննում իրականացնելու վերաբերյալ թիվ 01/5779-2023 ծանուցումը,

4. 2023 թվականի մարտի 24-ին և ապրիլի 17-ին կազմված արձանագրությունները,

5. 2023 թվականի ապրիլի 18-ին ՀՀ պետական եկամուտների կոմիտե ուղարկված թիվ 01/7986-2023 գրությունը,

6. 2023 թվականի ապրիլի 19-ի թիվ 01/8080-2023 երկարաձգման որոշումը,

7. 2023 թվականի մայիսի 12-ին ՀՀ պետական եկամուտների կոմիտեի կողմից ստացված թիվ 01/39-10/28309-2023 գրությունը,

8. 2023 թվականի մայիսի 18-ի ՀՀ առողջապահության նախարարություն ուղարկված թիվ 01/10840-2023 գրությունը,

9. 2023 թվականի մայիսի 19-ի թիվ 01/10853-2023 երկարաձգման որոշումը,

10. 2023 թվականի մայիսի 24-ին ՀՀ առողջապահության նախարարության կողմից ստացված թիվ ԱԱ/22.2/11898-2023 գրությունը,



11. 2023 թվականի մայիսի 31-ին զննում իրականացնելու վերաբերյալ թիվ 598-Ա հրամանը՝ 06/11874-2023 ծանուցմամբ,

12. 2023 թվականի հունիսի 9-ին «Ա.Բ.Ա Ֆարմ» ՍՊ ընկերության տնօրենին ուղղված թիվ 06/12798-2023 գրությունը,

13. 2023 թվականի հունիսի 12-ի թիվ 06/12917-2023 վարչական իրավախախտումների վերաբերյալ արձանագրության կազմման ծանուցագիրը,

14. 2023 թվականի հունիսի 20-ի թիվ 1648 կարճման որոշումը,

15. 2023 թվականի հուլիսի 4-ի վարչական իրավախախտման վերաբերյալ թիվ 1200 արձանագրությունը,

16. 2023 թվականի հուլիսի 4-ի թիվ 06/14791-2023 վարչական իրավախախտման վերաբերյալ գործի քննության ծանուցագիրը,

17. 2023 թվականի հուլիսի 10-ի թիվ 06/15222-2023 վարչական իրավախախտման վերաբերյալ գործի քննության ծանուցագիրը:

Պարզեցի

1. Նկարագրական մաս

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «բ» կետով և հաշվի առնելով Տեսչական մարմնում 2023 թվականի մարտի 22-ին ստացված թիվ Մ-2920-2023 գրությունը, Տեսչական մարմնի ղեկավարի 2023 թվականի մարտի 22-ի N ՎՎ-0691-Ա հրամանով հարուցվել է վարչական վարույթ՝ ՀՀ Գեղարքունիքի մարզ, համայնք Վարդենիս, Վ. Համբարձումյան փողոց 4 հասցեում գտնվող «Ա.Բ.Ա Ֆարմ» ՍՊ ընկերությանը (ՀՎՀՀ՝ 08423967) (այսուհետ՝ Ընկերություն) պատկանող դեղատանը «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջների պահպանումը պարզելու նպատակով:

Տեսչական մարմնի արևելյան տարածքային կենտրոնի դեղերի շրջանառության վերահսկողության բաժնի մասնագետները 2023 թվականի մարտի 24-ին զննում իրականացնելու նպատակով այցելել են Ընկերությանը պատկանող դեղատուն, որի ընթացքում Ընկերության տնօրեն Արամո Բադեյանը հրաժարվել է ծանուցումը ստանալ և որևէ փաստաթուղթ ստորագրել:



Տեսչական մարմնի ղեկավարի 2023 թվականի մարտի 31-ի թիվ 332-Ա գնում
իրականացնելու մասին հրամանի հիման վրա Տեսչական մարմնի մասնագետները 2023
թվականի ապրիլի 17-ին կրկին գնում իրականացնելու նպատակով այցելել են
Ընկերությանը պատկանող դեղատուն, որի ընթացքում պարզվել է, որ տնօրենը տեղում
չէ, ով հեռախոսազանգի միջոցով նշել է, որ տվյալ պահին չի կարող ներկայանալ և չի
կարող նշել, թե երբ կներկայանա:

Այսպիսով պարզ է դառնում, որ Ընկերության տնօրեն Արամո Բադեյանը
խոչընդոտել է Տեսչական մարմնի մասնագետների կողմից 2023 թվականի մարտի 24-
ին և ապրիլի 17-ին իրականացվելիք գնումներին:

Տեսչական մարմինը 2023 թվականի ապրիլի 18-ի թիվ 01/7986-2023 գրությամբ
դիմել է ՀՀ պետական եկամուտների կոմիտե՝ փոխօգնության կարգով իրականացնել
հսկիչ գնում և Տեսչական մարմնին տրամադրել հսկիչ գնման արդյունքում ձեռք բերված
դեղերը:

2023 թվականի ապրիլի 19-ի թիվ 01/8080-2023 գրությամբ վարչական վարույթի
ժամկետը երկարաձգվել է 30 օր ժամկետով:

Հարուցված վարչական վարույթի շրջանակներում ՀՀ պետական եկամուտների
կոմիտեի կողմից 2023 թվականի մայիսի 12-ին թիվ 01/39-10/28309-2023 գրությամբ
տրամադրվել է տեղեկատվություն հսկիչ գնման արդյունքում ձեռք բերված՝
Ացետիլսալիցիլաթթու 500մգ (դեղահատեր N10, սերիա՝ 2070322, պիտանիության
ժամկետ՝ 04.2026, դրոշմապիտակի սերիա՝ Շ1257887115) – 1 բլիստեր դեղի վերաբերյալ
(դեղը 2023 թվականի մայիսի 18-ին ՀՀ պետական եկամուտների կոմիտեի կողմից
տրամադրվել է Տեսչական մարմնին):

2023 թվականի մայիսի 18-ի թիվ 01/10840-2023 գրությամբ վերոնշյալ դեղը
ուղարկվել է ՀՀ առողջապահության նախարարություն՝ ՀՀ-ում գրանցված և/կամ
օրինական ներմուծված լինելու վերաբերյալ տեղեկատվություն ստանալու նպատակով:

2023 թվականի մայիսի 19-ի թիվ 01/10853-2023 գրությամբ վարչական վարույթի
ժամկետը երկարաձգվել է 30 օր ժամկետով:

ՀՀ առողջապահության նախարարության կողմից 2023 թվականի մայիսի 24-ին
ստացված թիվ ԱԱ/22.2/11898-2023 գրության համաձայն՝ Ացետիլսալիցիլաթթու 500մգ
(դեղահատեր N10, սերիա՝ 2070322, պիտանիության ժամկետ՝ 04.2026,



դրոշմապիտակի սերիա՝ Շ1257887115) դեղի ներմուծումը իրականացրել է «ԱՌԳՈ ՖԱՐՄ» ՍՊ ընկերությունը և ներմուծման հավաստագրի տրամադրումը ՀՀ առողջապահության նախարարի հրամանով մերժվել է, քանի որ դեղը գրանցված չէ ՀՀ-ում:

2023 թվականի մայիսի 26-ին հսկիչ գնման արդյունքում ձեռք բերված վերոնշյալ դեղը հանձնվել է ՀՀ պետական եկամուտների կոմիտե (հիմք՝ 26.05.2023 թ.-ին կազմված հանձնման-ընդունման ակտ):

Տեսչական մարմնի կողմից 2023 թվականի հունիսի 9-ին Ընկերության տնօրենին է հասցեագրվել թիվ 06/12798-2023 գրությունը, որով անհրաժեշտ էր 5-օրյա ժամկետում Տեսչական մարմնին տրամադրել Ընկերության կողմից ձեռք բերված և իրացված վերոնշյալ դեղի քանակների վերաբերյալ տեղեկատվություն, սակայն Ընկերության տնօրենը որևէ փաստաթուղթ չի ներկայացրել:

Հիմք ընդունելով Վարչական իրավախախտումների վերաբերյալ 255-րդ հոդվածը, 2023 թվականի հուլիսի 4-ին կազմվել է թիվ 1200 վարչական իրավախախտումների վերաբերյալ արձանագրությունը, որը վարչական իրավախախտումների վերաբերյալ գործի քննության ծանուցագրի հետ միասին ուղարկվել է Ընկերության տնօրեն Արամո Բադեյանին:

Տեսչական մարմնի արևելյան տարածքային կենտրոնում (հասցեն՝ ՀՀ Կոտայքի մարզ, քաղաք Աբովյան, Հատիսի փողոց 22) հուլիսի 17-ին ժամը 12:00-ին տեղի է ունեցել վարչական իրավախախտման վերաբերյալ գործի քննություն, որին պատշաճ կարգով ծանուցված Ընկերության տնօրեն Արամո Բադեյանը չի ներկայացել: Վերջինս չի ներկայացրել միջնորդություն գործի քննությունը հետաձգելու մասին:

2. Պատճառաբանական մաս

«Վարչական իրավախախտումների վերաբերյալ» ՀՀ օրենսգրքի 267-րդ հոդվածի համաձայն՝ վարչական իրավախախտման վերաբերյալ գործը քննվում է վարչական պատասխանատվության ենթարկվող անձի ներկայությամբ: Գործը կարող է այդ անձի բացակայությամբ քննվել միայն այն դեպքերում, երբ տվյալներ կան գործի քննության



տեղի և ժամանակի մասին նրան ժամանակին ծանուցելու վերաբերյալ և եթե նրանից միջնորդություն չի ստացվել գործի քննությունը հետաձգելու մասին:

Վարչական իրավախախտումների վերաբերյալ գործի քննության արդյունքում վարչական մարմինը, քննելով գործում առկա բոլոր փաստական հանգամանքները, հաստատված է համարում, որ կատարվել է վարչական իրավախախտում, որով խախտվել է «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջը, որի համար պատասխանատու է Ընկերության տնօրեն Արամո Բադեյանը (ՀՀ Գեղարքունիքի մարզ, համայնք Վարդենիս, Վ. Համբարձումյան փողոց, տուն 23, (1410980294, տրված՝ 24.02.2023, 007-ի կողմից)), այն է՝ իրացվել է ՀՀ-ում չգրանցված և ՀՀ առողջապահության նախարարության կողմից առանց դեղի ներմուծման հավաստագիր ստանալու Ացետիլսալիցիլաթթու 500մգ (դեղահատեր N10, սերիա՝ 2070322, պիտանիության ժամկետ՝ 04.2026, դրոշմապիտակի սերիա՝ Շ1257887115 – 1 բլիստեր) դեղը:

Ընկերության տնօրեն Արամո Բադեյանի կողմից վարչական իրավախախտում կատարելու մեջ առկա չեն «Վարչական իրավախախտումների վերաբերյալ» ՀՀ օրենսգրքի 33-րդ և 34-րդ հոդվածներով սահմանված վարչական պատասխանատվությունը մեղմացնող և ծանրացնող հանգամանքներ:

«Վարչական իրավախախտումների վերաբերյալ» ՀՀ օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ունեցվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն: Նշված իրավանորմից հետևում է, որ օրենսդիրը վարչական իրավախախտման առկայության հիմքում դրել է մեղքի առկայությունը, որը կարող է դրսևորվել դիտավորությամբ կամ անզգուշությամբ:

Վարչական մարմինը գտնում է, որ Ընկերության տնօրեն Արամո Բադեյանի կողմից իրավախախտումը կատարվել է անզգուշությամբ:

«Վարչական իրավախախտումների վերաբերյալ» ՀՀ օրենսգրքի 11-րդ հոդվածի համաձայն՝ վարչական իրավախախտումը համարվում է անզգուշությամբ կատարված,



եթե այն կատարած անձը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք կամ չի կանխատեսել այդպիսի հետևանքների առաջանալու հնարավորությունները, թեև պարտավոր էր և կարող էր կանխատեսել դրանք, այսինքն՝ Արամո Բադեյանը կանխատեսել է իր գործողության կամ անգործության վնասակար հետևանքների առաջացման հնարավորությունը, բայց հույս է ունեցել կանխելու դրանք կամ չի կանխատեսել այդպիսի հետևանքների առաջանալու հնարավորությունները, թեև պարտավոր էր և կարող էր կանխատեսել դրանք:

«Վարչական իրավախախտումների վերաբերյալ» ՀՀ օրենսգրքի 14-րդ հոդվածի համաձայն՝ պաշտոնատար անձինք ենթակա են վարչական պատասխանատվության այնպիսի վարչական իրավախախտումների համար, որոնք կապված են կառավարման կարգի, պետական ու հասարակական կարգի, բնության, բնակչության առողջության՝ պահպանության ոլորտում սահմանված կանոնները և մյուս այն կանոնները չպահպանելու հետ, որոնց կատարման ապահովումը մտնում է նրանց պաշտոնական պարտականությունների մեջ: Նշված հոդվածից հետևում է, որ Արամո Բադեյանը ՀՀ օրենսդրությամբ սահմանված կարգով քաղաքացիաիրավական և վարչաիրավական հարաբերություններում հանդես է գալիս որպես «Ա.Բ.Ա ՖԱՐՄ» ՍՊ ընկերության տնօրեն՝ պաշտոնատար անձ:

«Վարչական իրավախախտումների վերաբերյալ» ՀՀ օրենսգրքի 47.3-րդ հոդվածի 1-ին մասի 1-ին կետի համաձայն՝ Հայաստանի Հանրապետությունում չգրանցված (բացառությամբ Հայաստանի Հանրապետության օրենսդրությամբ սահմանված դեպքերի) կամ գրանցումն օրենքով սահմանված կարգով կասեցված կամ օրենքով խախտմամբ դեղեր ներմուծելը կամ արտադրելը կամ պահպանելը կամ բաշխելը կամ իրացնելը կամ կիրառելը առաջացնում է տուգանքի նշանակում յուրաքանչյուր անվանմամբ դեղի մինչև 5 փաթեթի դեպքում՝ սահմանված նվազագույն աշխատավարձի հազարապատիկի չափով:

3.Եզրափակիչ մաս

Ղեկավարվելով «Վարչական իրավախախտումների վերաբերյալ» ՀՀ օրենսգրքի 230, 279, 281, 283-րդ հոդվածներով և 282-րդ հոդվածի 1-ին մասի 1-ին կետով՝



Որոշեցի

1. Արամո Բադեյանին՝ որպես խախտում թույլ տված անձ, «Դեղերի մասին» ՀՀ օրենքի 23-րդ հոդվածի 2-րդ մասով սահմանված պահանջները խախտելու համար «Վարչական իրավախախտումների վերաբերյալ» ՀՀ օրենսգրքի 47.3-րդ հոդվածի 1-ին մասի 1-ին կետով՝ Հայաստանի Հանրապետությունում չգրանցված Ացետիլսալիցիլաթթու 500մգ (դեղահատեր N10, սերիա՝ 2070322, պիտանիության ժամկետ՝ 04.2026, դրոշմապիտակի սերիա՝ Շ1257887115 – 1 քլիստեր) 1 (մեկ) անվանում դեղը իրացնելու համար ենթարկել վարչական տույժի՝ սահմանված նվազագույն աշխատավարձի հազարապատիկի չափով՝ 1.000.000 (մեկ միլիոն) ՀՀ դրամ վարչական տուգանքի:

2. Սույն որոշումը ծանուցել «Ա.Բ.Ա ՖԱՐՄ» ՍՊԸ տնօրեն Արամո Բադեյանին՝ ՀՀ Գեղարքունիքի մարզ, համայնք Վարդենիս, Վ. Համբարձումյան փողոց տուն 23 հասցեով (անձնագրային տվյալները՝ նույնականացման քարտ 1410980294, տրված՝ 24.02.2023, 007-ի կողմից):

3. Սույն վարչական ակտն ուժի մեջ է մտնում վարչական վարույթի մասնակիցներին իրազեկելուն հաջորդող օրվանից:

4. Սույն որոշումը ստանալու օրվանից 30 օրվա ընթացքում կարող է բողոքարկվել ակտն ընդունած Տեսչական մարմին կամ ՀՀ վարչական դատավարության օրենսգրքի 72-րդ հոդվածով սահմանված ժամկետում՝ ՀՀ վարչական դատարան:

5. Իրերի և փաստաթղթերի հարցը լուծվել է:

ՀՀ ԱՌՈՂՋԱՊԱՀԱԿԱՆ ԵՎ ԱԾԽԱՏԱՆՔԻ ՏԵՍՉԱԿԱՆ ՄԱՐՄՆԻ
ԱՐԵՎԵԼՅԱՆ ՏԱՐԱԾՔԱՅԻՆ ԿԵՆՏՐՈՆԻ ՊԵՏԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝



X 

ԳԱԳԻԿ ԳՐԻԳՈՐՅԱՆ

Подписано: GRIGORYAN GAGIK 1903670195

ԳԱԳԻԿ ԳՐԻԳՈՐՅԱՆ

Ինձ բացատրվել է, որ համաձայն «Վարչական իրավախախտումների վերաբերյալ» ՀՀ օրենսգրքի 305-րդ հոդվածի 1-ին մասի, տուգանքը պետք է վճարվի տուգանք նշանակելու մասին որոշումը հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում:

Ծանոթություն՝

Իրավախախտման համար կիրառվող տուգանքի վճարման պետությունների հաշվի համարը՝ ՀՀ առողջապահական և աշխատանքի տեսչական մարմնի կողմից իրավախախտումների համար կիրառվող տուգանքների և պատժամիջոցների մուտքեր N 900005024097:

Որոշումը ստացա

(անունը, հայրանունը, ազգանունը, պաշտոնը, ամսաթիվը)

Որոշումը ստանալուց և ստորագրելուց հրաժարվելու մասին նշում

Նշում որոշումը պատվիրված փոստով ուղարկելու և ստանալու ծանուցման մասին

(ուղարկելու ամսաթիվը, փոստային առաքանու համարը, փոստային առաքանին հասցեատիրոջը հանձնելու վերաբերյալ ծանուցագրի համարը)



Ատեսցական

Հղման ֆ/Գ՝ 02507464
Գրքի Ձև 3
Կոդը: LO110403767AM
Անդամի N: 2/301/22

Պատկերված/Պայմանագրային

Վերադարձի հասցե

ՀՀ ՎԱ Առողջապահական և
սպորտային տեսչական
մարմին

Armenia, Մարզ ԿՈՏԱՅՔՔ / Գ
ԱՐԴՈՎՅԱՆ Փ. ՀՈՏԻՍԻ Փ., 22
ՓՆ. 2206

Բնակարկող

ՀՀ ՎԱ Առողջապահական և
սպորտային տեսչական
մարմին

Armenia, Մարզ ԵՐԵՎԱՆ Ք. Հ Գ.
ԵՐ ԵՎԱՆ Փ. ԱՐՄԵՆԱԿԱՆ Փ.,
129

Ստացող

«ԱՆՎԱ Ֆարմ» ՍՊ ընկերության
տնօրեն Արամի Բաղդասարյան
Armenia, Մարզ ԳԵՂԱՐՔՈՒՆԻՔ
Ք. / Գ. ՎԱՐԴԵՆԻՍ Փ. Վ.
ՀԱՍՏԱՏՈՒՄՅԱՆ Փ., տուն 23

Բաշք 26
Սանիտիկներ 380
Լրացվելիք 380
Վերադարձվել է 760

Օպերատոր

Mel Manukyan

Բաժանմունք

2206

Ամսաթիվը 18/07/2023 14:05

Կրկնորինակ